



**Broj: 01-231/19**  
**Vareš, 28.11. 2019. godine**

Na osnovu člana 2. I 3. Zakona o cestama Federacije BiH („Sl.novine FBiH“, broj 12/10), člana 7. stav 3. Zakona o stvarnim pravima („Sl.novine FBiH“, broj: 66/13 i 100/13), i člana i člana 22. tačka 7. Statuta Općine Vareš – Prečišćen tekst, broj: 01-162/12 od 11.09.2012. godine, rješavajući po zahtjevu Općinskog pravobranilaštva Vareš, Općinsko vijeće Vareš, na 32. sjednici održanoj 28.11. 2019. godine, d o n o s i

**ODLUKU**  
**o proglašavanju statusa javnog dobra u općoj upotrebi**

**Član 1.**

Proglašava se dobrom u općoj upotrebi- javno dobro put, zemljište koje se nalazi u naseljenom mjestu Ravne, općina Vareš, označeno kao k.č. broj 599/3 nekategorisani put Kosići u površini od 1906 m<sup>2</sup>, upisano u z.k. ulošku broj 1137 k.o. Ravne i posjedovnom listu broj 68 iste k.o., upisano u vlasništvu i posjedu Općine Vareš, a koje povezuje naseljeno mjesto Ravne sa lokalnim putem Ravne-Crna Rijeka.

**Član 2.**

Općinski sud u Visokom i katastar Općine Vareš će na parceli broj 599/3 k.o. Ravne, izvršiti brisanje nosioca upisanog prava vlasništva i posjeda Općinu Vareš, a kao nositelja prava upisati „javno dobro - putevi“.

**Član 3.**

Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI**  
**OPĆINSKOG VIJEĆA**

**Adis Čizmo**

Odluka objavljena na oglasnoj tabli Općine Vareš dana 29.11. 2019. godine.

**OPĆINSKI NAČELNIK**

**Zdravko Marošević**

## **O b r a z l o ž e n j e**

### **Pravni osnov:**

Članom 7. stav 2. Zakona o stvarnim pravima („Sl.novine FBiH“, broj: 66/13 i 100/13), propisano je da su javna dobra stvari koje su po zakonu namijenjena da služe svima pod jednakim uslovima, kao što su: javni putevi, ulice, trgovi i sl. Na javna dobra se primjenjuju pravila koja važe za opća dobra, ako zakonom nije šta drugo određeno.

Stav 4. istog zakona propisano je da se posebnim zakonom uređuje stjecanje svojstva općeg ili javnog dobra kao i prestanak tog svojstva, te način upisa ovih dobara u zemljišne knjige. Na osnovu člana 2. Zakona o cestama Federacije BiH („Sl.novine FBiH“, broj 12/10), propisano je da se cesta smatra svaka površina na kojoj se odvija promet. Ceste se dijele na javne i nerazvrstane ceste.

Član 4. istog zakona, propisano je da je nerazvrstana cesta površina koja se koristi za promet po bilo kojoj osnovi i koja je pristupačna većem broju korisnika. Izgradnja, korištenje, održavanje, zaštita i rekonstrukcija nerazvrstanih cesta, kao i poslovi nadzora na tim cestama, uređuju se gradskim ili općinskim propisima, sukladno ovom zakonu.

Član 3. Odluke Općinskog vijeća Vareš, broj 01-167/11 od 27.09.2011. godine, propisano je da se seoskim putem smatra izgrađena površina što prolazi kroz selo ili povezuje dva ili više zaseoka, zaseoke s javnim cestama i koja nije razvrstana u javnu cestu.

Članom 4. iste Odluke, propisano je da nerazvrstane ceste čine: donji i gornji stroj (trup), cestovni objekti, pješačke i biciklističke staze, zemljište ograničeno građevinskom regulacionom linijom ili cestovno zemljište izvan naselja s obje strane ceste u širini od 1 m od linije koja spaja krajnje tačke poprečnog presjeka ceste, sve saobraćajne i druge površine na pripadajućem zemljištu, odvodni jarci, rigoli, drenaže i sl..

Na osnovu podneska Općinskog pravobranilaštva Vareš, broj: Up-22/19 od 12.11.2019. godine, kojim je zatraženo utvrđivanje i cijepanje parcele kroz koju prolazi javni put, ovaj organ je postupajući po istom, izašao na lice mjesta te na terenu utvrdio da preko parcele broj 599/1 k.o. Ravne, prolazi put koji povezuje naseljeno mjesto Ravne i izlazi na lokalni put Ravne-Crna Rijeka.

Put, i ako se duži niz godina koristi, nije ucrtan na geodetskim planovima niti se po kulturi vodi kao javno dobro-putevi, iz kojih razloga je potrebno bilo izvršiti cijepanje parcele kroz koju prolazi, te utvrditi status javnog dobra-put.

Iz navedenih razloga, predlaže se Općinskom vijeću da se očituje o prijedlogu ove Odluke.

**PREDLAGAČ:**  
**OPĆINSKI NAČELNIK**  
**Zdravko Marošević**